



UPA2015/143

26. maj 2015

Mimi Karlsen

Meeqqap illugiimmik angajoqqaaminik takunninnissaanut pisinnaatitaaffeqarnera naapertorlugu, tamannalu meeqqamut pitsaanerussappat, qanoq ililluta Inatsisartuni pilersaarusuussisarnermut pitsangorsaaqataasinhaavugut. Taamatuttaaq ataataasut meeqqaminnik attavigissaarnerunissaannut pitsaa-nerusunik periarfissiisagutta meeqqaminnik tigummiaqarsinnaanerat eqqar-saatigalugu ilaqtariit pillugit inatsisaatigut qanoq nutarterisinnaavugut. Aaq-qiaqiqinggittoqartillugu isumaqatigiissitsiniarnissanut periarfissaqarnerunissaq, taamatullu meeqqap peqatiginissaagaluanik eqquutsitsisoqanngippat iliuuse-qarnissamut periarfissiinissat Inatsisartuni sulissutigisariaqarpagut.
(Inatsisartunut ilaasortaq Aaja Chemnitz Larsen, Inuit Ataqatigiit)

Inuit Ataqatigiit qutsavigniarpaat Aaja Chemnitz Larsen, oqallisissiatut saqqummiussaa pingaaruteqarlunilu soqutiginartumut.

Qujanartumik inuit ilaqtariinngoraangamik meeraqalerlutik siunertarisarpaat ilaqtariittut meeqqamut toqqissinartumik perortitsiniaqatigiinnissaq. Qujanartumillu angajoqqaanngortut amerlanerpaat anguniartarpaat meeqqaminnik perortitsilluarnissartik, meeqqamillu toqqissumik peroriartornissaat.

Tamannali allangorsinnaasarloq. Angajoqqaat isumaqatigiikkunnaarnerup kinguneranik avissaarsinnaasarput, tamannalu meeqqanuttaaq tunnerlussinnaasarluni. Qujanartumik angajoqqaqarpoq avissaarnermi meeqqat pillugit isumaqatigiiluarsinnaasunik. Uanili oqallisissami pineqarput meeqqaminnik najuinissamik, naapitsinissamik isumaqatigiissinnaanngitsut. Qangaaniilli soorunamiusutut isigineqarpoq angajoqqaat avissaartillugit meeqqat anaanaminniitinneqartarnerat. Anaanaasoq isigineqartartpoq meeqqaat pisariaqartitaannut tappinnerusutut, isumassuillaqqinnerusutut ilami aamma asanninnerusutulluunniit isigineqartarluni. Tamannali ataataasut aamma pisinnaasaqarfigalugu takutittuartarpaat. Angajoqqaajusutulli meeqqat pisariaqartitaannik, perorsaanermik asanninnermillu aamma tunniussisinnaanertik uppernarsisarpaat.

Angajoqqaalli isumaqatigiinnippata kia meeraq qimannerup kingorna tigummissagaa ajornartorsiut pilertarpoq. Allaat meeqqamut angajoqqaami aappaanik takusaqarsinnaanermik killiliisarluni. Meeqqap maqaasisaqalernera pilertarpoq.

Angajoqqaat pisinnaatitaaffeqarnerat pingartinneqartarpoq. Inuit Ataqatigiilli pingartippaat meeqqap pisinnaatitaaffiisa pingartinneqarnissaat. Meeqqat pisinnaatitaaffiattut illugiinnik angajoqqaqarneq isumaqatigilluinnarpalput. Taamaammat qimannermi meeqqat sumi najugaqarusunnerat, qanorlu angajoqqaamik najunngisamik takunnissinnaanerat pitsaanerpaamik inuaqatigiinni anguniarneqarnissaa pingaaruteqarpoq.

Inuit Ataqatigiinni isumaqarpugut meeqqamut innarliinerusoq angajoqqaamik najunngisamik takoqqusinnginnej. Tamannalu pingitsoortinneqarnissaa inuaqatigiinni qulakkeerniartariaqaripput.

Angajoqqaat qimatsillugit meeqqamut pitsaaneq aqqtissiuunneqartuartariaqarpoq. Meeqqat ilinniarttuartariaqarpagut pisinnaatitaaffiinik. Pisinnaatitaaffitsik nalunngikkunikku oqaaseqaateqarnissartik, isummernissartik piuminarnerutissammassuk.

20.-maj naligiissitaaneq ullorsioqqammerparput. Tassani arnat angutillu naligiimmik pisinnaatitaaffii eqqartorajuppagut, arnat angutillu naligiimmik akissarsiaqarnissaat il.il.
Naligiissitaanermili aamma pingaaruteqarluinnarpoq arnat angutillu naligiimmik meeqqamik najausinnaanerat, perorsaasinnaanerat eqqartussallugu, aqqtissiuutissallugulu. Tamanna pisinnaavoq ilaqtariinnermut inatsisip suliarineratigut. Naak ilaqtariinnermut inatsit Danmarkimiikkaluartoq folketingimut inassuteqarsinnaaneq Inuit Ataqatigiinnit allannguniarnermik periarfissatut isigaarpot.

Oqallisissiuisup aamma taavaa aaqqiagiinngitsoqarnernermi isumaqatigiissitsiniartarneq. Nunatsinni maannakkut isumaqatigiinnginnersmi naapisitsiniaasartoqarneq periarfissaanngilaq. Eqqartuussiveqarfiit ilaqtigut atorneqartarput, tamannali aalajangiinermik kinguneqartarmat isumaqatigiilernermik pilersitsigajunngilaq.
Taamaammat Inuit Ataqatigiit pilerinartutut isigaat saaffissamik pilersitsisoqarnissaa. Aappariit qimalersut meeqqatik pillugit isumaqatigikkunnaarpata naapititsiniaasinaasumik saaffissaqarsinnaaneq pingaaruteqarmat.

Naapititsiniaasartup sumi atorfekarsinnaanissaa suli nalorninarpoq. Danmarkimili Statsforvaltningimi inissimasarpoq, taamaammat pisortani atorfekarsinnaanissaa eqqarsaatigisinnaavarput. Inuit Ataqatigiit pingaarluinnartutut isigaat meeqqat pisinnaatitaaffii salliullugit meeqqat angajoqaami illugiimmik ilaqtarinnaanera sutigut tamatigut anguniartuassagippot, isumaqatigiinngitsoqarpallu saaffissanik, ikiortissanik pilersitsiniarnissarput sulissutigissagippot.

Taama oqaaseqarluta oqallinnermi pissarsiffiulluartumik peqataajumavugut.